

*BOSNA I HERCEGOVINA*  
*Federacija Bosne i Hercegovine*  
*ZENIČKO-DOBOJSKI KANTON*  
*Općina Maglaj*  
**OPĆINSKO VIJEĆE**



*BOSNIA AND HERZEGOVINA*  
*Federation of Bosnia and Herzegovina*  
*ZENICA-DOBOJ CANTON*  
*Maglaj Municipality*  
**MUNICIPAL COUNCIL**

**PRIJEDLOG**

**PROGRAM**  
**UTROŠKA SREDSTAVA - POTICAJ U ZAPOŠLJAVANJU**  
**MLADIH PODUZETNIKA ZA 2017. GODINU**

**PROGRAM**  
**UTROŠKA SREDSTAVA - POTICAJ U ZAPOŠLJAVANJU**  
**MLADIH PODUZETNIKA ZA 2017. GODINU**

## **UVOD**

U skladu sa članom 13. Zakona o principima lokalne samouprave u FBiH („Sl. novine FBiH“, broj: 49/06, 51/09), člana 18. Statuta Općine Maglaj („Sl. novine Općine Maglaj“, broj: 8/07, 3/08 i 6/08), Budžeta/Proračuna Općine Maglaj za 2017. godinu, i člana 42. Odluke o izvršavanju Budžeta/Proračuna Općine Maglaj za 2017. godinu („Sl. novine Općine Maglaj“, broj: 08/16), Općinsko vijeće Maglaj donosi Program utroška sredstava - poticaj u zapošljavanju mladih poduzetnika za 2017. godinu sa pozicije ekonomski kod 615211 – Poticaj u zapošljavanju mladih poduzetnika.

U Budžetu/Proračunu Općine Maglaj za 2017. godinu na ovoj poziciji predviđeno je 15.000,00 KM za sufinansiranje zapošljavanja mladih poduzetnika za 2017. godinu na području općine Maglaj.

Program ima za cilj inicirati višestruke koristi za lokalnu zajednicu:

- promovisati poduzetnički duh,
- poboljšati vještine mladih i nezaposlenih osoba,
- generisati nove poslovne ideje,
- pružiti podršku razvoju novih preduzeća i otvaranju novih radnih mjesta,
- povećati broj novoregistriranih firmi na području općine,
- smanjiti broj nezaposlenih na evidenciji Zavoda za zapošljavanje,
- stvariti ambijent za razvoj privatnog poduzetništva.

Program odabira kandidata za start-up trening, obuhvata takmičenje u sticanju potrebnih znanja i vještina iz poduzetništva, pisanje vlastitih poslovnih planova i mogućnosti učestvovanja u takmičenju za najbolje poslovne ideje.

Općina Maglaj kao glavni finansijer Projekta osigurala je finansijsku podršku za najbolje ocjenjene takmičare u iznosima od 3.000 do 5.000 KM, u zavisnosti od kvalitete ocjenjenih biznis planova, uz uslov registracije samostalnog biznisa na području općine Maglaj.

## **I. OPĆI UVJETI**

Programom sufinansiranja zapošljavanja za 2017. godinu - Projekat „Starter“ 2017 podrazumjeva Start-up trening i uključuje sljedeće:

- Trenere - poslovni savjetnici Odjeljenje za lokalni razvoj, biznis i poduzetništvo (ili certificirana Agencija).
- Mjesto održavanja treninga - Sala Općinskog vijeća Maglaj.
- Jedan 2-dnevni trening.
- Maksimalno 20 učesnika na treningu.
- Minimalno 50% učesnika da budu žene.

## II. KORISNICI PROGRAMA

Korisnici programa su:

1. Potencijalni mladi poduzetnici (bez obzira na godine starosti).
2. Da se isti nalaze na evidenciji Biroa za zapošljavanje Maglaj (prednost imaju kandidati sa dužim vremenom provedenim na evidenciji nezaposlenih).
3. Da imaju prijavljeno prebivalište na području općine Maglaj.
4. Minimalni nivo obrazovanja – srednja stručna sprema (minimalno III stepen stručne spreme).
5. Kandidatima koji posjeduju želju za pokretanjem samostalnog biznisa.

## III. PROVEDBA POSTUPKA SA NAČINOM ISPLATE

Općina Maglaj će uskladu sa planiranim Programom sufinansiranja zapošljavanja za 2017. godinu objaviti Javni poziv za odabir kandidata za start-up trening u okviru Projekta „Starter“ 2017. Rok za prijavu kandidata je 15 dana od dana objavljivanja javnog poziva.

Predmet Javnog poziva je odabir kandidata za start-up trening u okviru Projekta „Starter 2017. – Edukativni program za poboljšanje mogućnosti samozapošljavanja“.

Interes korisnika Projekta je stjecanje novih znanja iz oblasti poduzetništva i pokretanja vlastitih biznisa kroz „Start-up“ shemu, koja bi obuhvatala sljedeće:

1. dvodnevna edukacija „Kako napisati dobar biznis plan“;
2. Javni poziv za dostavu biznis planova (rok za dostavu biznis planova je 15 dana);
3. Evaluacija i ocjena pristiglih biznis planova (petočlana Komisija - predstavnici svih projektnih partnera - rok za ocjenu 7 dana);
4. Javna prezentacija svih biznis planova od njihovih aplikantata (u Sali Općine Maglaj pred članovima Komisije i svim prisutnim ostalim aplikantima);
5. Konačna ocjena na evaluatorskim obrascima i konačna rang lista biznis planova (na bazi prosječne ocjene svih pet članova Komisije);
6. Potpisivanje ugovora o grant pomoći.

Po otpisivanju Ugovora o sufinansiranju samozapošljavanja nezaposlenih lica sa Biroa za zapošljavanje u okviru Projekta „Starter“ 2017. zaključenog između Općinskog načelnika i korisnika programa slijedi ispunjenje međusobnih obaveza za odobravanje sredstava.

## O b r a z l o ž e n j e

Općinsko vijeće Maglaj Zaključkom broj: 02-05-1-850/17 od 06.04.2017. godine na svojoj 5. redovnoj sjednici prihvatilo je Nacrt Programa utroška sredstava – poticaja u zapošljavanju mladih poduzetnika za 2017. godinu, i istim Nacrt Programa uputilo u javnu raspravu, organizator javne rasprave je Služba za privredu, finansije/financije i razvoj poduzetništva.

Cilj javne rasprave o Nacrtu Programa utroška sredstava – poticaja u zapošljavanju mladih poduzetnika za 2017. godinu bio je da se doprinese njegovom poboljšanju, kako bi Služba za privredu, finansije/financije i razvoj poduzetništva kao njegov predlagač, dostavila Općinskom vijeću Maglaj odgovarajući Prijedlog Programa.

Poziv za javnu raspravu sa Nacrtom Programa objavljen je putem RTV Maglaj, web stranice Općine, Oglasne ploče i Biroa rada Maglaj. Nacrt Programa je bio dostupan i u Općini Maglaj u kancelariji broj 40.

Na Javnu raspravu pozvani su svi potencijalni mladi poduzetnici, koji se nalaze na evidenciji Biroa za zapošljavanje Maglaj, posjeduju želju za pokretanjem samostalnog biznisa i smatraju da mogu pomoći u procesu davanja primjedbi i prijedloga na Nacrt Programa utroška sredstava – poticaja u zapošljavanju mladih poduzetnika za 2017. godinu.

Javna rasprava održana je dana 24.04.2017. godine sa početkom u 11,00 sati u sali Općinskog vijeća Maglaj (Dom kulture "Edhem Mulabdić"). Na javnu raspravu se odazvalo 9 učesnika, i tokom Javne rasprave prisutnima se pružila mogućnost iznošenja vlastitih mišljenja i stavova u vezi sa predloženim Nacrtom Programa, a sve u cilju što kvalitetnije konačne verzije ovog dokumenta.

Primjedbe prisutnih učesnika Javne rasprave su se odnosile na:

- Senad Gajdić predložio je: Da se kod korisnika programa definiše da „Potencijalni mladi poduzetnici“ podrazumjevaju sve poduzetnike bez obzira na godine starosti, a koji imaju želju da pokrenu vlastiti biznis.
- Firuz Galijašević predložio je: Da se kod minimalnog nivoa obrazovanja – srednja stručna sprema jasnije definiše minimalno III stepen stručne spreme.
- Jasmin Mustafić predložio je: Kada je u pitanju Javni poziv za prijavu kandidata, da se ostavi rok od 15 dana za prijavu za start-up trening.
- Jasmin Mustafić predložio je: Da rok za dostavu biznis planova bude 15 dana.
- Firuz Galijašević predložio je: Da se kod kategorije obaveze korisnika programa umjesto M2 obrasca definiše dostava obrazca JS3100.

U skladu sa navedenim prijedlozima, primjedbama i sugestijama učesnika Javne rasprave, Služba za privredu, finansije/financije i razvoj poduzetništva Općine Maglaj iste je analizirala i sve uvažila kod donošenja Prijedloga Programa utroška sredstava - poticaj u zapošljavanju mladih poduzetnika za 2017. godinu.

Obrađivač: Ferhat Bradarić

Služba za privredu, finansije/financije  
i razvoj poduzetništva